

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ - СИЁСЫЙ ГАЗЕТАСИ

№ 12 (10.317)

2005 ЙИЛ 17 ЯНВАРЬ

ПОЙТАҲТНИНГ ОИР КУНИ

Янгиликлар, воқеалар

ҚИСҚА

● **БУГУН** Тошкент архитектура қурилиш институтида Қори Ниёзий номидидаги Ўзбекистон педагогика фанлари илмий-тадқиқот институти маъмурияти ташаббуси билан Ўзбекистон Республикасида хизмат кўрсатган ўқувчи, педагогика фанлари доктори, профессор Аскар Зуннигов таваллудининг 90 йиллигига бағишланган анжуман бўлиб ўтди.

● **МИРЗО** Улуғбек номидаги Ўзбекистон Миллий университетида талабалар эътиборига «Хавфли бурилиш» фильми намойиш этилди.

● **ЎЗБЕК** лизинг» халқаро лизинг компаниясида Жанубий корейлик ишбилармонлар иштирокида уюштирилган семинар «Тўқмачилик санъатида лизинг истиқболлари» деб номланди.

● **СОҒЛОМ** авлод учун» жамғармаси ташаббуси билан Оролбўйи худудида яшовчи оналар ва болаларга малакали тиббий хизмат кўрсатиш мақсадида шахримиздан Оролбўйи худудида дори-дармон воситалари, тиббиёт жиҳозлари жўнатилди.

● **БУНЁДКОР** ёшлар телеклубида ўтказилган тадбирда ёшларни ватанпарварлик руҳида тарбиялашнинг аҳамияти хусусида сўз борди.

● **ЎЗБЕКИСТОН** Электрон оммавий ахборот воситалари асбобида уюштирилган йилгилик Электрон оммавий ахборот воситалари уюшмаси фаолиятини янада яхшилаш чораларига бағишланди.

● **ИЮНСОБОД** туманидаги 41 та мактабнинг жисмоний тарбия фани ўқувчилари аттестациядан ўтказилди.

Тошкент шаҳар хокимлиги Матбуот хизмати ва ўз мухбирларимиз хабарларидан.

МАРКАЗИЙ САЙЛОВ КОМИССИЯСИДА

14 январь кунини Ўзбекистон Республикаси Марказий сайлов комиссиясининг навбатдаги мажлиси бўлиб ўтди. Уни комиссия раиси Б.Мустафоев бошқарди.

Мажлисида 2005 йил 9 январда Ўзбекистон Республикаси Олий Мажлиси Қонунчилик палатаси депутatlари сайлови бўйича такоррий овоз бериш натижалари кўриб чиқилди. Такоррий овоз бериш даврида сайланган Ўзбекистон Республикаси Олий Мажлиси Қонунчилик палатасининг 58 депутати рўйхатга олинди.

Таъкидландики, 2004 йил 26 декабрдаги сайлов ва 2005 йил 9 январдаги такоррий овоз бериш натижаларига кўра Ўзбекистон Республикаси Олий Мажлиси Қонунчилик палатасининг барча 120 депутати сайланди ва рўйхатга олинди.

Сайловларда 489 депутатликка номзод, шу жумладан, сиёсий партиялардан — 435 киши ва сайловчиларнинг ташаббускор гуруҳларидан мустақил номзодлар — 54 киши иштирок этди. Сайловларда фуқаролар фаол қатнашди. 2004 йил 26 декабрдаги асосий сайловда 12197159 (85,1 фоиз) сайловчи, жорий йил 9 январидан эса 5400000 дан ортқ киши ёки такоррий овоз беришда иштирок этиш ҳуқуқига эга сайловчиларнинг қарийб 80 фоизи қатнашди. Сайловлар натижасида Ўзбекистон Либерал-демократик партияси сайловчиларнинг энг кўп овозини олди, бу партиядан депутатларнинг 34,2 фоизи сайланди; Ўзбекистон Халқ демократик партиясидан депутатларнинг 23,3 фоизи сайланди. Шунингдек, Фиқдорлар партиясининг 18 аъзоси, «Миллий тиклишни» партиясининг 11 аъзоси, «Адолат» партиясининг 10 аъзоси сайланди.

Сайловлар Қонунчилик палатасидаги ўринлар учун сиёсий партиялар ўртасидаги кескин рақобат кураши мўҳитида ўтди. Оқруглarning деярли 77 фоизиди бир депутатлик мандати учун 4 тадан 6 тагача номзод кураш олиб борди. Жумладан, 55 та сайлов округида бир депутатлик мандати учун тўрттадан, 32 округда бештадан, 5 та округда олтидан номзод курашди. Бундан ташқари, 5 та сайлов округида бир депутатлик мандати учун иккитадан, 23 та округда учтадан номзод бахslashди. Партиялар қонунчиликда кўзда тутилган сайловолди ташвиқотини олиб бориш имкониятларидан тўлиқ фойдаланди.

Сайловолди баҳс-мунозаралари, овоз бериш натижалари шундан далолат бермоқдаки, сайловчилар демократик йўналишдаги ижтимоий-сиёсий, ижтимоий-иқти-

содий ислохотларни янада чуқурлаштиришнинг муайян муаммоларини ҳал этишга қаратилган сайловолди дастурларига ҳамда номзодларнинг улари амалга оширишда фаол иштирок этиш қобилиятига кўпроқ хайрихоҳ бўлди.

Бунда номзодларнинг аввалги кўрсатган хизматлари, эгаллаган лавозимлари эътиборга олинмади. Сайланган депутатлар орасида фақат 18 киши (15 фоиз) илгари Олий Мажлис депутати бўлган.

Олинган сайловлардан фарқи уларақ, бу гал ўз номзодларини химоя қилышда сиёсий партиялар ва ташаббускор гуруҳлар кузатувчилари катта фаоллик кўрсатди. 30 мингдан ортқ маҳаллий кузатувчининг сай-ҳаракати сайлов қонунчилигига қатъий риоя этилишини таъминлашда муҳим омил бўлди.

Сайлов кампанияси жараёни сиёсий партиялар томонидан кўрсатилган номзодларнинг камиди 30 фоизи хотин-қизлар бўлиши шартлиги тўғрисидаги қонунчиликда белгиланган тартиб илбий аҳамият касб этганлигини намойен қилди. Қонунчилик палатасига номзоди қўйилган хотин-қизлар — жами 159 киши — кучли интилуванчилик ва юксак профессионализминг намойиш этди, сиёсий етукилик, ақл-заковатда рақибларидан қолишмади. Натижада Қонунчилик палатасига сайланган депутатларнинг қарийб 18 фоизини хотин-қизлар ташкил этди, бу эса 1999 йилда Олий Мажлисга бўлган сайловлардагидан икки ярим баравар кўпроқ.

Сайловчиларнинг ташаббускор гуруҳларидан номзодларнинг сайловда иштирок этишига оид қонунда белгиланган ҳуқуқи ўзининг долзарблиги ва мақбуллигини тасдиқлади. Фуқаролар томонидан бевосита кўрсатилган мустақил номзодлар катта фаоллик намойен этиб, сиёсий партиялар номзодлари билан муносиб рақобатлашди, натижада ташаббускор гуруҳлардан кўрсатилган 54 номзоддан 14 киши депутатликка сайланди. Шундай қилиб, Қонунчилик палатасига сайланган депутатлар орасида уларақ 11,6 фоизни ташкил этди.

Янги сайланган депутатлар корпусининг таркибида Қонунчилик палатасининг профессионал хусусияти ўз аксини топган. Сайланган депутатлар орасида 18,3 фоизи — юристрлар, 21,7 фоизи — иқтисодчилар. Айни пайтда қуйи

палатада жамиятнинг деярли барча ижтимоий қатламлари вакиллари бор. Депутатларнинг 10 фоизи саноат, қурилиш, транспорт ва алоқа соҳаси вакиллари, 7,5 фоизи қишлоқ хўжалиги вакиллари, 12,5 фоизи тадбиркорлар, 20 фоизи таълим, фан, маданият ва соғлиқни сақлаш соҳаси ходимларидир.

Депутатларнинг қарийб 16 фоизи — нодавлат нотижорат ташкилотлар вакиллари.

Сайлов кампанияси даврида парламентдаги ўринлар учун кураш олиб борганлар ўртасида ҳам, сайловчилар орасида ҳам миллатлараро хусусиятга эга ҳеч қандай салбий ҳолат кузатилмади, миллатлараро асосда ҳеч бир қарама-қаршилиқ ёки зиддият чикмади.

Сайланган депутатлар орасида қарийб 91 фоизи ўзбеклар, 9 фоиздан ортиги қорақалпоқ, қозоқ, тожик, туркман, рус, татар ва украинлардир.

Мажлисида сайлов комиссиялари ва участкалари иши аниқ, профессионал амалга оширилгани таъкидланди. Сайлов қонунчилигининг жиддий бузилиш ҳоллари кузатилмади. Айрим қоидабузарликлар, жумладан оила аъзолари учун ҳам овоз беришга уриниш ва шу қаби бошқа англашилмовчиликлар ўз вақтида аниқланди ва олди олинди. Бундай ҳоллар овоз беришнинг бориши ва натижаларига таъсир кўрсатмади.

Мажлисида алоҳида қайд этилдики, Ўзбекистон Республикаси Олий Мажлиси Қонунчилик палатасига сайловлар очик ва ошқоралар руҳида ўтди. Сайлов кампанияси жараёнини мамлакатимизнинг 493, хорижийнинг 107 оммавий ахборот воситаси ёритиб борди. Сайловда дунёнинг 40 га яқин мамлакатидан 228 хорижий кузатувчи, жумладан МДХ, ЕХХТ кузатувчилари миссиялари қатнашди. Миллий қонунчилик, ҳалқаро мейёр ва стандартларга тўла мос ҳолда ўтган сайловлар Ўзбекистонда очик ҳуқуқий давлат ва кучли фуқаролик жамиятини шакллантиришга қаратилган демократик ислохотлар изчил амалга оширилётганидан далолат беради.

Марказий сайлов комиссиясининг 2005 йил 9 январда такоррий овоз бериш натижасида сайланган Ўзбекистон Республикаси Олий Мажлиси Қонунчилик палатаси депутатларини рўйхатга олиш тўғрисидаги қарори газетамизнинг 2-саҳифасида эълон қилинмоқда.



Барча мавбалардан олқинган сўнги хабарлар

Мамлакатимизда

● **Олий ва ўрта махсус таълим** вазирлиги ташаббуси билан Ўзбекистон Республикаси Президентининг «Истеъдод» жамғармаси қошида олий таълим муассасалари раҳбарлари учун маънавий-маърифий ишлар самарадорлигини оширишга қаратилган малака ошириш курслари ташкил этилди.

● «Соғлом авлод учун» халқаро хайрия жамғармасида АКШнинг «Амери Керс» халқаро инсонпарварлик ташкилотининг инсонпарварлик ёрдами ни топириш маросими бўлиб ўтди. Ушбу ёрдам миқдори 2.811.000 АКШ долларини ташкил этди.

● Андижон вилоят хокимлигида халқ усталари — кулолларнинг иждоий ишлари кўргазмаси ташкил этилди, тадбир доирасида кулоллар анжумани ҳам ўтказилди.

● Қашқадарё вилоят хокимлигида болалар спортини ривожлантириш борасида 2004 йилда амалга оширилган ишлар қўнига бағишланган йилгилик бўлиб ўтди.

● Фаргона шаҳрида замонавий халқаро алоқа станцияси иш бошлади. Япониянинг халқаро ҳамкорлик банки — JIBC кредити ҳисобидан 256 қачирим масофага шиша толали кабель ётқизибли, катта қувватга эга узаткич қурилмалари ўрнатилди.

Жаҳонда

● БМТ Бош қотиби Кофи Аннанининг таъкидлашича, Бирлашган Миллатлар Ташкилоти Жаҳон-Шарқий Осиёга ўз махсус вакилини юборди. У цунамидан жабрланган аҳолига инсонпарварлик ёрдамини кўрсатиш ҳамда худудларни тиклаш борасидаги саъй-ҳаракатларни мувофиқлаштиради.

● Абхазияда тўрт ойга чўзилиб кетган президентлик сайлови нихоясига етди. Утган ҳафтада бўлиб ўтган қайта овоз бериш натижасида Сергей Багапш голиб қикди.

● Америка аскарларининг Ироқнинг жанубида жойлашган Ал-Анбар музофотида ўтказган махсус операцияси чоғида икки АКШ денгиз пилдаси ҳаётдан кўз юмди.

● Украинанинг академик ҳамжамияти ташаббускор гуруҳи 2005 йилга Нобель мукофоти учун Виктор Юшенко номзодини илгари суришни тақлиф этмоқда.

ШАНХАЙ ҲАМКОРЛИК ТАШКИЛОТИ ВЕБ-САЙТИ ОЧИЛДИ

Пекинда Шанхай Ҳамкорлик Ташкилоти (ШХТ) Котибияти расмий фаолият кўрсата бошлаганининг бир йиллиги ва ШХТ веб-сайти (<http://www.sectsc.org>) очилиши муносабати билан қабул маросими бўлиб ўтди. Унда ХХР поштайти дипломатик корпуси, халқаро ташкилотлар, Хитой вазирликлари ва идоралари вакиллари иштирок этишди.

ШХТ ижроия қотиби Чжан Дэгуан ўз кичи сўзида ташкилот ўтган бир йил мўддат давомида сезиларли тараққиётга эришганини қайд этди. Бунга хавфсизлик соҳасидаги ҳамкорлиқнинг фаоллашгани, Тошкентда Минтақавий ақсилтеррор тузилмасининг фаолияти йўлга қўйилгани, Наркотиклар ноқо-

нуний айланлишига қарши кураш тўғрисидаги битимнинг имзоланиши, ШХТга аъзо давлатлар хавфсизлик кенгашлири қотиблари учрашувлари механизми йўлга қўйилгани эвазига эришилди.

Ташкилот аъзолари савдо-иқтисодий ҳамкорлиқни ҳам муваффақиятли тарзда ривож-

лантириши. Ташки алоқалар мустаҳкамланди: Тошкент саммитида Монголияга кузатувчи мақоми берилди, БМТ, АСЕАН, МДХ ва ЕИ билан алоқалар ўрнатилди.

Чжан Дэгуан ШХТ веб-сайти халқаро ҳамжамиятини ташкилот фаолиятининг максади ва асосий йўналишлари билан кенг таништиришга хизмат қилишини таъкидлади.

ХХР ташки ишлар вазирлиги вакили Ли Хуэй тадбирда сўзга чиқиб, Тошкент саммитидан сўнг ШХТ ривожланишининг янги босқинига кўтарилиганини эътироф этди ҳамда барча иштирокчи давлатларнинг сай-ҳаракатлари самарасида ташкилот ўз олдига қўйган мақсадларига эришиши ва минтақа тараққиётига кўмақ беришига умид билдирди.

“Жахон” АА

Ўзбекистон Республикаси Марказий сайлов комиссиясининг
ҚАРОРИ

ЎЗБЕКИСТОН РЕСПУБЛИКАСИ ОЛИЙ МАЖЛИСИ
ҚОНУНЧИЛИК ПАЛАТАСИ ДЕПУТАТЛАРИНИ
РЎЙХАТГА ОЛИШ ТЎҒРИСИДА

«Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5-моддасига, «Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 11-моддаси 12-бандига, 45 ва 48-моддаларига мувофиқ Марказий сайлов комиссияси ҚАРОР ҚИЛАДИ:

Ўзбекистон Республикаси Олий Мажлиси Қонунчилик палатасига сайлов ўтказувчи округ сайлов комиссияларининг 2005 йил 9 январда ўтказилган такрорий овоз бериш натижалари тўғрисидаги баённомаларига асосан қуйидагилар Олий Мажлисининг Қонунчилик палатаси депутатлари этиб рўйхатга олинсин:

ТОШКЕНТ ШАҲРИ БЎЙИЧА:

№	Депутатнинг фамилияси, исми, отасининг исми	Туғилган йили	Депутатнинг номзодини кўрсатган орган номи, партиясига мансублиги	Эгаллаб турган лавозими (машғулотининг тури)	Иш ва яшаш жойи	Сайлов округининг тартиб рақами ва номи
1.	Абдурахмонов Жасур Джураевич	1975	Сайловчилар ташаббускор гуруҳи, партиясиз	«Ўзбекистон Республикаси тикувчилик саноати Ассортимент ва модалар маркази» очик акциядорлик жамияти бошқаруви раиси	Тошкент шаҳри	8-Хадра сайлов округи
2.	Зиё Азамат Хамид ўғли	1963	Ўзбекистон Фидокорлар миллий демократик партияси, Фидокорлар МДП аъзоси	Ўзбекистон Республикаси Олий Мажлисининг Ёшлар ишлари қўмитаси раиси	Тошкент шаҳри	3-Темирийўл сайлов округи
3.	Каримов Акрам Аббасович	1953	Ўзбекистон Либерал-демократик партияси, ЎзЛиДеП аъзоси	Тошкент молия институтининг «Бухгалтерия ҳисоби ва аудит» кафедрасининг мудири	Тошкент шаҳри	10-Астробод сайлов округи
4.	Убайдуллаев Зиёдулла Сағдуллаевич	1953	Ўзбекистон Либерал-демократик партияси, ЎзЛиДеП аъзоси	Жаҳон иқтисодий ва дипломатияси университети қошидаги Ҳуқуқий тадқиқотлар маркази раҳбари	Тошкент шаҳри	5-Қўйлиқ сайлов округи
5.	Усаров Олим Авалбаевич	1973	Ўзбекистон Миллий тикланиш демократик партияси, Миллий тикланиш ДП аъзоси	Ўзбекистон Республикаси Олий суди Матбуот хизмати раҳбари	Тошкент шаҳри	11-Тўқимачи сайлов округи
6.	Ҳакимов Хандамир Маруфович	1948	Ўзбекистон Либерал-демократик партияси, ЎзЛиДеП аъзоси	Тошкент давлат иқтисодий университети сиртки ҳисоб-иқтисод мутахассислари факультети декани	Тошкент шаҳри	7-Дўмбиробод сайлов округи

Ўзбекистон Республикаси Марказий сайлов комиссияси раиси
Б.МУСТАФАЕВ

Тошкент шаҳри,
2005 йил 14 январь.

Таъкидландики, тармоқ корхоналари ва муассасаларининг фаолияти мамлакатимиз Президентини Ислон Каримовнинг 2002 йил 30 майдаги «Компьютерлаштиришни янада ривожлантириш ва ахборот-коммуникация технологияларини жорий этиш тўғрисида»ги фармони ва ҳукуматнинг тегишли қароридан келиб чиқувчи вазифаларни бажаришга қаратилди. Ахборот-коммуникация технологияларини (АКТ) изчил ривожлантириш ижтимоий-иқтисодий сиёсатнинг устувор йўналиши ҳамда халқ фаровонлигини юксалтиришнинг асосий омилларидандир.

Соҳа корхона ва ташкилотлари иқтисодий ислохотлар ва тузилмавий ўзгаришларни чуқурлаштириш, давлат тасарруфидан чиқариш ва хусусийлаштириш, хорижий, жумладан тўғридан-тўғри инвестицияни жалб қилиш, молия интизомини мустаҳкамлаш, пулли хизмат кўрсатишни ривожлаштириш, телекоммуникация тармоқлари ва ахборот тизимларини реконструкция қилиш борасидаги ишларни давом эттирди. Нашриёт ва матбаа фаолияти, телерадио, архив ишини тақомиллаштириш ва муаллифлик ҳуқуқларини ҳимоя қилиш борасидаги масалаларни ҳал қилишга доир чоралар кўрилди.

Парламент Ўзбекистон Республи-

касининг «Электрон ҳужжат алмашуви тўғрисида» ва «Электрон тижорат тўғрисида»ги қонунларини

АХБОРОТ ТИЗИМЛАРИ ВА
ТЕЛЕКОММУНИКАЦИЯ:
ЯҚУН ВА
ВАЗИФАЛАР

Вазирлар Маҳкамасида Ахборот тизимлари ва телекоммуникация масалалари комплексининг 2004 йилда соҳани ижтимоий-иқтисодий ривожлантириш якуллари ва 2005 йилдаги устувор йўналишларга бағишланган мажлиси бўлиб ўтди. Уни Ўзбекистон Республикаси Бош вазири ўринбосари А.Орипов бошқарди.

қабул қилди.

2004 йил якунларига кўра ахборот тизимлари ва телекоммуникация соҳасида кўрсатилган хизматлар ҳажми 300 миллиард сўмдан ошди. Хизматлар экспорти йил прогнозларига нисбатан 129,7 фоизни ташкил этди. Мобил алоқа жадал суръатда ривожланди: уяли алоқа абонентлари сони 544,1 мингга етди ва йил бошидан буён 168 фоиз кўпайди.

Тармоқда рақобат муҳити кескин ривожланаётгани сезилмоқда: Интернет хизматлари операторлари ва провайдерлари сони йил бошидаги нисбатан 477 га кўпайди (181,4 фоиз). Бугунги кунда Интернетдан фойдаланувчиларнинг сони йил бо-

шидагига нисбатан 675 мингдан ошди (137 фоиз). Рақамли телекоммуникация тармоқлари билан қамраш даражаси республика шаҳарларининг 96,4 ва туманларининг эса 72,5 фоизини ташкил этди.

Шу билан бирга мажлисда «Ўзархив» агентлигида кадрлар заҳирасини тайёрлаш тизими, моддий-техник таъминотдаги камчиликлар танқидий баҳоланди. Ўзбекистон матбуот ва ахборот агентлиги, «Ўзкитобсавдо» давлат-акционерлик компанияси бўлинмаларида муддати ўтган дебиторлик қарзлари мавжуд.

Ахборот ва матбуот соҳаси давлат органлари ташкилий тузилмасига кирган корхона ва ташкилотлардан тўрттаси 2004 йилда зарар кўриб ишлади.

Мавжуд муаммо ва камчиликлар муҳокамаси чоғида тузилмалар раҳбарларига ижро ва тўлов интизомини мустаҳкамлаш, молиявий кўрсаткичларни яхшилаш, давлат тасарруфидан чиқариш ва хусусийлаштириш, зарар кўриб ишлаётган корхоналарни молиявий соғломлаштириш, кадрларни тайёрлаш, қайта тайёрлаш ва заҳирасини яратиш тизимини тақомиллаштириш ҳамда 2005 йил учун белгиланган вазифаларни амалга ошириш бўйича чоралар кўриш зарурлиги кўрсатиб ўтилди.


В.НИКОЛАЕВ,
ЎЗА муҳбири

ТТЗ:
МАҲСУЛОТ ҲАЖМИ
КЎПАЙМОҚДА

«Тошкент трактор заводи» очик акциядорлик жамияти жамоаси якунланган йилда салкам қирқ миллиард сўмлик маҳсулот ишлаб чиқарди. Бу 2003 йилдагига нисбатан беш ярим миллиард сўмдан зиёд дерамакдир.

Хорижга уч миллион АҚШ доллари миқдоридаги техника экспорт қилинди. Заводда чиқарилган нисбатан арзон, қулай ва замонавий тракторларга Россия, Қозоғистон ва Туркия каби давлатларда, айниқса талаб катта.

— Корхонамизда ўтган йили икки минг саккиз юз донадан кўпроқ турли русумдаги тракторлар, бир ярим минггага яқин тиркамалар, уч юз миллион сўмлик эҳтиёт қисмлари ва халқ истеъмоли моллари тайёрланди, — деди бош директор ўринбосари Маъмуржон Назарметов ЎЗА муҳбирига. — Тракторларни харидорларга тўғридан-тўғри етказиб беришга ҳам алоҳида эътибор қаратяпмиз. Шу мақсадда жойларда дилерлик тармоқлари ва савдо уйлари ташкил этилаётир.



Оламда нима гап?
Жаҳон ва оммавий ахборот воситалари хабарларидан

● Африкада узоқ давом этган уруш ўз ниҳоясига етди. Судан ҳукумати билан маҳаллий Халқ озодлик ҳаракати раҳбарияти ўртасида тарихий тинчлик шартномаси имзоланди. Кения пойтахтида Судан вице-президенти Али Усмон Мухаммад Таха ва исёнчилар етакчиси Жон Геранг томонидан имзо чекилган битим 21 йилдан буён давом этиб келаётган фуқаролар урушига яқун ясади.

● Россия томонидан Туркияга етказиб берилаётган газ ҳажми кўпайтирилади. Бу ҳақда Россия Президенти Владимир Путин Туркия ҳукумати вакиллари билан бўлиб ўтган учрашувда маълум қилди.

● Чеченistonнинг жануби-шарқидagi тоғларда хавфсизлик органлари ходимлари жангарилар базасини йўқ қилди, дея маълум қилди Шимолий Кавказда иш олиб бораётган минтақавий тезкор штаб вакиллари билан бири. 7-8 киши яшириниши мумкин бўлган бу жой кўздан кечирилган пайтда кўлда тайёрланган портловчи моддалар, озиқ-овқат, дори-дармонлар ва турли диний адабиётлар топилиган.

● Қозоғистон шимолида юз берган қор кўчкилари натижасида 850 нафардан зиёд одам, шунингдек, 216 та автобус ва енгил автомобиллар эвакуация қилинди. Мамлакат фавкулда вазиятлар вазирлигининг маълумотларига кўра, қор бўронлари оқибатида кўплаб инсонлар ҳаёти хавф остида қолди. Хусусан, Оқмула вилояти атрофидаги шаҳарлараро йўллар, ичида йўловчилари бўлган бир қанча енгил автомобиллар ва автобуслар йўлдан чиқиб кетди.

● Филиппин жанубидаги Мамаспано шаҳрида ҳукумат армияси ва «Моро» озодлик ислом fronti деб номланган террорчи гуруҳ жангарилари ўртасида яна тўқнашувлар бўлиб ўтди.

● Reuters ахборот агентлигининг хабар беришича, Ҳиндистоннинг йўловчилар билан тўла автобуси канал устидан ўтаётиб қулаб тушди. Воқеа Карнатак штатининг пойтахти Бангалор шаҳридан 520 километр узоқликда жойлашган ҳудудда юз берди. Маҳаллий полиция ходимларининг маълумотларига кўра автобусда 50 га яқин йўловчи бўлиб, улардан фақат уч нафари омон қолган.

● Италиянинг бир қатор кафе, бар ва ресторанилари хўжайинлари ўзларига тегишли бўлган ҳудудларда тамаки маҳсулотларини чекишни таъқиқлаб қўйишди. 2002 йилда қабул қилинган ва шу йилнинг 10 январидан кучга кирган қонунга кўра агар аҳоли умумий оқватланадиган жойда бирон киши чекса, унинг хўжайини 2 минг евро жарима тўлайди. Кашанданинг ўзи эса 275 евросидан маҳрум бўлади. Норасмий маълумотларга кўра, ҳозир мамлакатнинг 58 миллионлик аҳолисида 16 миллионга яқини мунтазам чекувчи ҳисобланади.

Ёшларнинг бўш вақтларини унумли ва сермазмун ўтказишлари, иқтидорли қизларни аниқлаш, уларни рағбатлантириш мақсадида «Камолот» ёшлар ижтимоий ҳаракатининг Шайхонтоҳур туман бўлими томонидан ташкил этилган ушбу тумандаги мактаблараро «Балли, қизлар» кўрик-танловининг саралаш босқичи якунига етди.

Мамловлар

БАЛЛИ, ҚИЗЛАР

«Камолот» ёшлар ижтимоий ҳаракати Шайхонтоҳур туман бўлими қрошидаги WIP клуби ҳамкорлигида ушбу кўрик-танловнинг якуний босқичи «Бунёдкор» ёшлар телеклубида ўтказилди. Мактаблараро саралаш босқичидан 3 та ғолибалар иштирокидаги ушбу якуний босқич «Charmed Girls» («Лагофатли қизлар») деб номланди.

Таништирув, соч турмаклаш, дастурхон безаш, эркин мавзу, савол-жавоб каби шартлар бўйича 324-мактаб ўқувчиси Мардона Ҳамроқуллова, 186-мактаб ўқувчиси Камола Абду-

ғафорова, 10-мактаб ўқувчиси Насиба Мирсағатовалар ўз маҳоратларини намойён этишди. Ширин пишриқлар ва таомлар ҳайрат аъзолари томонидан баҳолаб борилди. Бири-биридан уздабурон қизлар эркин мавзу шартида чиройли рақслари билан ҳаммани хушнуд этган бўлсалар, савол ва жавоб шартини бўйича мантиқий жавоб излаб, билимларини янада чархлашди. Танлов сўнггида ҳайрат аъзолари томонидан «Лагофатли қиз» номини олган ғолибалар эълон қилиниб, муносиб тақдирландилар.

Юлдуз УСМОН

Алоқа

УНИВЕРСИТЕТ ТАШАББУСИ БИЛАН

Халқаро электр алоқа Иттифоқи томонидан яратилган модель бўйича барча амалларни компьютерда бажаришга оид дастурий воситалар ишлаб чиқилди. Телефон хизмати учун нарх-наво, баҳо ва тоифаларни ҳисоб-китоб қилишга мўлжалланган бу модель Ўзбекистонда ҳам амалга оширишга киришилди. Шу йўналишда мутахассислар учун ташкил этиладиган ўқув семинарларининг дастлабкиси пойтахтимизда ўтказилди.

Тошкент ахборот технологиялари университети-нинг бу ташаббуси халқаро электр алоқа Иттифоқи томонидан қўллаб-қувватланди. Ҳисоб-китобнинг янги моделига бағишланган анжуманда Мустақил Давлатлар Ҳамдўстлиги мамлакатларининг соҳа мутахассислари иштирокида уюштирилган ўқув семинарида ушбу истиқболли моделининг назарий йўналишлари, дастурий воситалари ҳақида қатор маърузалар тингланди.

Акбар АЛИЕВ



ЮК ТАШИШ КЎПАЙМОҚДА

Мамлакатимиз автомобиль транспортида юк ташиш ҳажми йил сайин ортмоқда. Бунда хусусий транспорт корхоналарининг алоҳида ўрни бор.

Бектемир туманидаги «B.K. Intrans» хусусий компанияси ихтиёридаги саксондан ортиқ замонавий юк ташиш машинаси ёрдамида яқунлан-

ган йилда олтиш минг тоннага яқин халқ ҳўжалиги юклари ўз манзилига вақтида етказиб берилди.

— Мавжуд машина паркимиз асосан оғир хажмли юкларни олис масофага элтишга мўлжалланган замонавий «Мерседес Бенц»лардан иборат, — деди корхона директори ўринбосари

Абдуваҳоб Содиқов ўза мухбирига. — МДХ ва Болтиқбўйи мамлакатларига, шунингдек, Афғонистон, Эрон, Туркия каби давлатларга халқаро юк ташиш учун юзга яқин тажрибали ҳайдовчи жалб этилган.

Юридик ва жисмоний шахсларга шартнома асосида кўрсатилган хизматлар натижасида салкам етти юз миллион сўм фойда кўрилди. Бу маблағ корхона инфратузилмасини янада ривожлантириш, транспорт воситаларининг эҳтиёт қисмларини мунтазам янгиллаб бориш ва ишчилар ижтимоий ҳимоясини кучайтиришга йўналтирилаётган.

ўза

СУРАТЛАРДА: «B.K. Intrans» хусусий корхонаси, ҳайдовчилари (чапдан) Раҳим Машрапов, Лутфулло Сайдаев, директор ўринбосари Абдуваҳоб Содиқов ҳамда ҳайдовчи Зиёвуддин Тулаев; корхонанинг замонавий машиналари.

Сарвар ўрмонов (ўза) олган суратлар.



СУГУРТА ВА ПЛАСТИК КАРТОЧКА

«Ishonch» банклараро сугурта компанияси аҳоли орасида тобора оммалашиб бораётган қулай ва самарали тўлов воситаси — пластик карточкадан фойдаланувчиларни комплекс сугурта қилишни йўлга қўйди.

Сугурталашнинг бу тури фойдаланувчиларни бахтсиз ҳодисалардан, пластик карточкаларга турли шаклда етадиган талофотдан қўриладиган зарарини қоплашни назарда туталди.

Ҳозиргача етти юзга яқин жисмоний шахс билан сугурта шартномаси имзоланди.

ўза

«Сиҳат-саломатлик йили» дастури доирасида биринчи Тошкент Давлат тиббиёт институтида ҳам қатор хайрли ишларга қўл урилади. Олий ўқув юртининг жарроҳлик ва стоматология кафедраси эса операция муолажаларини малакали ўтказишга алоҳида эътибор қаратади.

Тиббий

МАЛАКАЛИ ДАВОЛАШ МУОЛАЖАЛАРИ УЧУН

Кафедра клиникаси шифокорлари эса кам таъминланган оилалар бетоаб фарзандларини жарроҳлик йўли билан даволашни ўз зиммасига олди. Бунинг учун қулай шароит яратиш мақсадида «Соғлом авлод учун» халқаро жамғармаси кафедрата катта миқдорда пул ўтказди.

Бу маблағлар АҚШдаги «Смэйл Трэйн» ҳамда Германиядаги «Фриенсдорф интернейшнл» халқаро ташкилотлари грантлари сифатида «Соғлом авлод учун» жамғармасига берилган эди. Бу грант маблағлари ҳисобидан кафедра замонавий тиббий асбоб-ускуналар билан ҳам жиҳозланади.

Аҳмад АББОСОВ

“ЖАЗ” МУСИҚАЧИЛАРИНИНГ ФЕСТИВАЛИ

Пойтахтдаги Тасвирий санъат кўргазмалар залида «Жаз» муסיқасида ижод қиладиган санъаткорларнинг аънавий фестивали очилиш маросими бўлиб ўтди.

Унда ўтган мавсумда пойтахтимиздаги «Жаз» муסיқа йўналишида ижод қиладиган барча муסיқа ижодкорлари тақлиф этилди. Бўлиб ўтган тадбирга ижодкор ва журналистлардан ташқари санъатшунослар ва жуда кўплаб мухлислар таширф буоришди. Бундай тадбирни ўтказишдан асосий мақсад Ўзбекистонда «Жаз» муסיқа йўналишини оммалаштириб, уни мамлакатимизда ривожлантиришдир. Тадбир «Жаз» муסיқасининг ёрқин юлдузи Каунт Байсинг юз йиллигига бағишланди. Мухлисларни айниқса, Россиядан тақлиф этилган «Жаз» муסיқа усталари йиғилганларни хайратда қолдирди. Учинчи бор ўтказилаётган фестиваль энди ҳар йили ўтказилиши ташкилотлар томонидан келишиб олинди.

Рустам ХАЙДАРОВ «Туркистон пресс»

Биласизми?

КИТОБЛАР ТАРИХИДАН

Дунёда биринчи босма китоб ҳиндчадан хитой тилига таржима қилинган «Олмос Сутра»дир «Сутра — муқаддас китоб, демакдир». Китоб бор-йўғи етти саҳифадан (олти бети матн ва бир бети расм) иборат эди.

«Сутра» 868 йилда ёғоч босма усулида босилган.

XIX асрнинг 70-йиллари охирида Хоразмда тошбосма (литография) пайдо бўлди. 1880 йилда Алишер Навоийнинг «Хайратул абдор» («Ҳамса»нинг биринчи достони), «Девони Мунис» (Мунис Хоразмийнинг шеърлари тўплами) ва «Девони Рохий» асарлари босилиб чиқди.

Ўрта Осиёда китоб чиқариб тарқатишда тошбосма муҳим ўрин тутган.

1868 йили Тошкентда биринчи босмахона ташкил этилди. Ўша йилиёқ унда «Чу ва Норин дарёлари юқори қисмидаги тоғлик ўлка ва у орқали Шарқий Туркстон (ҳозирча Синьян)га ўтадиган йўллар ҳақида мулоҳазалар» деган китобча босилиб чиқди.

1553 йилда Россия подшоиси Иван Грознийнинг фармони билан босмахона қуришга киришилди. Бу ишга мутасадди қилиб Иван Фёдоров тайинланди.

Ниҳоят, босмахона, орандан ўн йил ўтгач, 1563 йилда қуриб битирилди ва 1564 йилнинг мартида Россиядаги биринчи босма китоб — «Апостоль» (Инсоннинг шогирдлари — ҳаворийлар тўғрисида баҳс этувчи диний китоб) босмадан чиқди.

УЧИБ ЮРАДИГАН ПУЛЛАР

Америка қитъасида бўлиб турадиган турли тўфонлар одамлар бошига қулаёт келтириши билан бирга баъзида бахт ҳам олиб келади.

Мексика билан Америка Қўшма Штатлари ўртасидаги аҳоли яшайдиган жойларга бир кун пул ёғди. Бир неча хонадонда хурсандчилик бўлиб кетди. Аммо эртасига кўтарилган тўфон қулбаларни ағдариб, ўша пуллارни бошқа жойга, Мексиканын ичкарисидagi қишлоққа олиб бориб ташлади. Лекин бу пуллар ўша ердаги бир неча хонадонда бир кун меҳмон бўлди, холос. Эртасига қучли шамол кутуриши пуллари учуриб, яна ичкарироққа олиб бориб ташлади. Орадан бир неча кун ўтгач, қайтган шамол бир-икки қоп чиқадиган пулни қайтариб олиб ўтиб кетди. Қарангки, бирорта пул ҳам қайтаётди ерга тушмаган.

Табиатнинг бунақанги чиройли ўйинларига тан бериш керак, холос.

Қизиқчиларимизнинг қилми ҳазинасидан

МИРЗА ҚИЗИҚ

Ҳозирги кунда Мирза Холмедовни танимайдиган киши юртимизда бўлмаса керак. Унинг қизиқчиликларини кўрган ё эшитган ҳар бир одам исмини айтишингиз билан дарров қулиб қўяди. Қўпчилик қулги мухлислари орасида қизиқчилар қаримаиди, деган гап бор. Шу боисдан бўлса керак Мирза Холмедов ва Обид Асомовни ҳали хануз истеъдодли ёш қизиқчилар, дейишадди.

Мирза Холмедов пойтахтимизнинг Кўйлик даҳасида хизматчи оиласида дунёга келган. У гўдаклик чоғидаёқ отаси вафот этиб, фарзандларни тарбиялаб, вояга етказишдек мушкул вазифа онаси Ойсара ая зиммасига тушади. Ана шундай хонадонда аччиқ қийинчиликларни енгиб, улғайган тўнғич ўғил Мирза институтни тугатганидан кейин санъатнинг қизиқчилик соҳасига қадам ташлайди. У аввалига Абдулла Қодирий номидаги маданият саройида тенгдошлари Обид Асомов, Ботир Мухаммадхўжаевлар билан бирга қизиқчи Тўхтамурад Азизов бошчилигида «Кўзгу» клубига қатнашиб, ўз малакасини оширади. Интилганга толей ёр, деганларидай, кейинчалик ижоди гурқираб, «Мирзо» деган ўз номидаги қулги театрини ташкил этиб, муваффақият қозонади.

Шу кунларда ҳам Мирза Холмедов бу театрга бош бўлиб, замонавий мавзуларда янги-янги қулгили томошаларни кўрсатиб, мухлисларини суюнтирмоқда.

Келинг, энди Мирза қизиқ ижодидан айрим намуналарни ўқиб, баҳра олинг!

АНТИҚА БЕМОР

— Биродарлар, 2005 йил бежиз Сихат-саломатлик йили, дейилмаган. Халқимиз саломатлиги учун юртимизда жуда-жуда кўп ишлар амалга оширилди ва яна оширилмоқда. Кўплаб шифохоналар, тез ёрдам кўрсатиш масканлари қурилиб, улар керакли усул-ю жихозлар билан таъминланяпти. Аммо!..

Аммо, кишиларимиз орасида ўз соғлиқларига лоқайдлик билан қараш ҳалигача давом этяпти. Ўзбекчилик, деганларидай, баъзилар касалга чалинганликларини билишса ҳам ўтиб кетар, деган уй-хаёл билан юришаверади, оғрик зўрайгандан кейингина шифокорни излашга тушишади. Мана шунанга беморлардан бири касалга чалиниб, шифо толганидан кейин яна касал бўлишидан қўқиб, салга шифокорга борадиган бўлиб қолибди. У нажотхонанинг кўз доктори хузурига келиб, унинг қулгоғига шивирлабди:

— Доктор касалсангиз...

— Қанақа касалсангиз, белгиларини айтинг.

— Кўз докторисиз-ку, кўзим кўрмаяпти.

— Кўрмасангиз бу ерга қандай келдингиз, ё бирор киши етаклаб келдимми?

— Йўқ, ўзим келдим.

— Унда айтинг-чи, кўзингиз кундузи қўриб, кечаси кўрмайдими?

— Йўқ, кечаси ҳам, кундузи ҳам яхши кўради. Фақат телефонда гаплашсам, телефонда ўзим билан гаплашаётган одам-

Наботот ажройиботлари

КОПТОКДЕК ДУМАЛАШИНИ ҚАРАНГ!

Гоҳо наботот оламидаги мўъжизакор намуналарни кўриб ёхуд эшитиб хайратга тушмай қолмайсиз. Тўғри эмасми, даракт ўзидан ёруғ чиқариб турса, жони бордай кафти билан ҳаширатни тутса, «хотласа, кўзингиздан гоийиб бўлса, «тирик» турса,

боринг-чи, ақса урсангиз даракт қозоғдек учиб кетса... буларнинг барчаси гаройибликдан даллат эмасми?»

Наботот оламида селлагинелла номи билан юритилувчи мўъжизакор ўсимлик мавжуд. Жанубий Америкада учрайдиган бу ўсимликнинг қилигини қаранг. Мабодо бу ўсимлик маскан қурган жойларда қурғоқчилик бошландиган бўлса, тупроқдан ил-дизларини суғуриб олиб, коп-

токсимон кўринишга киради, эсган шамол ёрдамида соққадек думалаб-думалаб бирорта намли жойни топгач, яна илдиэларини ёзиб тупроқ мағизга ўрнашади-да, бинойидек ўсаверади. Яна қурғоқчилик нафаси уриб қолгудек бўлса, селлагинелла қайта «саъҳат»га шайланади!

«ТАНЧАСИ» БОР ГИЁХ

Тана ҳарорати одам ва жониворлар оламининг намуналарига хос нарсалигини

билиамиз. Тасаввур қилинг, ўсимликлар ўзидан иссиқлик чиқарса гаройиб ҳолат эмасми?

Табиатда «қор кўнғироғи» номи билан юритилувчи солид-нелла ўсимлиги мавжуд бўлиб, қизиғи шундаки, бу наботот намунаси қорнинг тағида унади, ўсади. Бу ўсимлик қалин қор қатламини эритиб, ёруғликка қараб интилади. Агар қорнинг қалинлигини ёриб чиқа олмаса, қор ичида ҳарорати билан бўшлиқ яратиб туллайди, ҳатто чангланиси ҳам мумкин.

Маннон НАБИЕВ

ТИЖОРAT ХАБАРЛАРИ ВА ЭЪЛОНЛАР ТИЖОРAT ХАБАРЛАРИ ВА ЭЪЛОНЛАР

ЙЎЛОВЧИЛАР ДИҚҚАТИГА!
2005 йил 17 январдан бошлаб

Зарқайнар кўчаси, Эски Жўва майдонининг қайта таъмирланиши муносабати билан, шунингдек, Тошкент шаҳар ҳокимининг қарорига мувофиқ автобуслар ва микроавтобусларнинг йўналишлари куйидаги тартибда ташкил этилади:

— № 27, 62, 4м, 12 м, 24 м, 54 м — ҳар иккала йўналишда Самарқанд Дарвоза кўчасидан бошлаб А.Навоий кўчаси бўйлаб «Чорсу савдо маркази» автошоҳбекатига қадар;

— № 128 — Форобий кўчасидан бошлаб А.Содиқов, Беруний, А.Навоий кўчалари бўйлаб «Чорсу савдо маркази» автошоҳбекати-га қадар битта йўналишда, қайта йўналишда эса «Чорсу савдо маркази» автошоҳбекатидан бошлаб А.Навоий, Беруний, Усмонхўжаев, Форобий кўчалари бўйлаб ва бундан кейин ўз йўналиши бўйича;

Фурқат кўчалари бўйлаб ва бундан кейин ўз йўналишлари бўйича;

— № № 32, 47, 132, 183 — ҳар иккала йўналишда Фурқат кўчасидан бошлаб А.Навоий, Беруний, Б.Зокиров, Эски Уйғур кўчалари бўйлаб «Уйғур кўчаси» бекатлар мажмуасига қадар;

— № 147 — ҳар иккала йўналишда Беруний кўчасидан бошлаб А.Навоий кўчаси бўйлаб «Чорсу савдо маркази» автошоҳбекати-га қадар;

— № 43 — Қорасарой кўчасидан бошлаб Ҳ.Асомов, Ф.Фуллом, А.Навоий кўчалари бўйлаб ва бундан кейин битта йўналишда ўз йўналиши бўйича;

— № 109 — ҳар иккала йўналишда Қорасарой кўчасидан бошлаб Ҳ.Асомов, Ф.Фуллом, А.Навоий, Беруний, Б.Зокиров, эски Уйғур кўчалари бўйлаб «Уйғур кўчаси» бекатлар мажмуасига қадар;

— № 53 м — ҳар иккала йўналишда А.Навоий кўчасидан бошлаб Беруний, Б.Зокиров, эски Уйғур кўчалари бўйлаб «Уйғур кўчаси» бекатлар мажмуасига қадар;

— № 65 — ҳар иккала йўналишда Сағбон кўчасидан бошлаб Форобий, А.Содиқов, Беруний, А.Навоий, Ф.Фуллом, А.Қодирий кўчалари бўйлаб ва бундан кейин ўз йўналиши бўйича;

— № № 112, 123, 2 м, 7 м — ҳар иккала йўналишда Ф.Фуллом кўчасидан бошлаб А.Навоий, Беруний, Б.Зокиров, Эски Уйғур кўчалари бўйлаб «Уйғур кўчаси» бекатлар мажмуасига қадар;

— № 9 — ҳар иккала йўналишда А.Қодирий кўчасидан бошлаб Ф.Фуллом, А.Навоий кўчалари бўйлаб «Чорсу савдо маркази» автошоҳбекати-га қадар;

— № 76 — Форобий кўчасидан бошлаб А.Содиқов, Беруний, А.Навоий, Фурқат кўчалари бўйлаб битта йўналишда эса Фурқат, А.Навоий, Беруний, Усмонхўжаев, Форобий кўчаларидан ва бундан кейин ўз йўналиши бўйича;

— № 118 — ҳар иккала йўналишда Сағбон кўчасидан бошлаб Форобий, А.Содиқов, Беруний, А.Навоий кўчалари бўйлаб «Чорсу савдо маркази» автошоҳбекати-га қадар;

— № № 42, 111, 3 м — ҳар иккала йўналишда Қорасарой кўчасидан бошлаб Ҳ.Асомов, Ф.Фуллом,

Фурқат кўчалари бўйлаб ва бундан кейин ўз йўналиши бўйича.

«ТОШШАҲАРЙЎЛОВЧИТРАНС» АКЦИЯДОРЛИК КОМПАНИЯСИ.

Ғошқобол

ТЕРМА ЖАМОА ТАРКИБИ КУЧАЯДИ

Маълумки, 2006 йилда Германияда жохон чемпионатининг финал мусобақалари бўлиб ўтди.

Ушбу нуфузли турнирда йўлланма олиш мақсадида жохон чемпионатида саралаш турнирининг дастлабки доводина муваффақиятли ўтиб Ойёнинг кучли саккиз терма жамоаси сафида саралашнинг иккинчи босқичида қатнашиш ҳуқуқини қўлга киритган Ўзбекистон терма жамоаси олдида бир муаммо кўндаланг турганди. Гап шундаки, терма жамоамизнинг моҳир футболчилари, Россиянинг «Локомотив» жамоаси аъзолари Маминов, Пашинин ҳамда Поляковга терма жамоа машғулотида иштирок этиш, халқаро расмий беллашувларда майдонга тушиш қийин бўлаётганди. Сабаби, «Локомотив» клуби раҳбарлари, хусусан бош мураббий Юрий Сёмин зарур вазналаб бу футболчиларга Ўзбекистон терма жамоаси ўйинларида қатнашишлари учун ружат бермаётганди. Кунчи кеча Ўзбекистон футбол федерациясидан олинган маълумотларга кўра ушбу муаммо ҳал этилди. Юрий Сёмин билан ушбу масала юзасидан олиб берилган музокаралар натижасида эндиликда Маминов, Пашинин ва Поляков терма жамоамизнинг учрашувларида майдонга тушишди.

ТАЙЁРГАРЛИК ДАВОН ЭТМОҚДА

Янги мавсумга Бирлашган Араб Амирликларида тайёргарлик босқинчи ўтаган мамлакат чемпиони «Пахтакор» Россиянинг «Крилья Советов» жамоаси билан уюштирилган ўртоқлик учрашувида мағлубиятга учради. Беллашув 4:1 ҳисобида якунланди.

Бироқ, шунчи таъкидлаш жоизки, тошкентлик футболчиларнинг кўнчилиги Бирлашган Араб Амирликларида грипп хасталиги билан оғриб қолган. Бундан ташқари россияликларга муносиб қаршилик қилишга интиланг пахтакорчиларнинг кўнгина етакчи ўйинчилари Ўзбекистон терма жамоаси ихтиёрида бўлганлиги боис, майдонга асосан умидли ёшлар тушган.

(Ўз мухбиримиз)

Ўзбекистон Республикаси Центразспецмонтаж корпорацияси бошқаруви корпорация бош бухгалтерини Нодира Солиқовна Турсуновага отаси

Солиқ ота

МУҲАММАДРАҲИМОВНИНГ вафот этганлиги муносибати билан чукун таъзия ихзор этади.

Газетанинг навбатдаги сонини 19 январда чиқади.

Самбо

ЎСМИРЛАР КУЧ СИНАШДИ

«Динамо» спорт мажмуасида тўрт кун давомида Ўзбекистон самбо федерацияси ташаббуси билан «Қишки таътил» соврини учун самбо бўйича республика миқёсидаги мусобақалар бўлиб ўтди.

1989 йилда тугилган ва ундан ёш ўсмирлар иштирок этган турнирда республика миқёсининг ўнча яқин вилоятларидан 150 нафар ёш самбочилар галаба учун кураш олиб борди.

Дарҳақиқат, шахримиздаги «Динамо» клубини иқтидорли курашчилар етишиб чиқадиган маскан деб бежиз аташмайди. Зеро, бу ерда эркин ва юн-рум курашчилари, дэюдо ва самбочиларни тайёрлаш борасида самарали ишлар амалга ошириб келинмоқда. Энг муҳими, ўз ишининг усталари бўлган тажрибали мураббийларнинг билли-маҳоратлари бу бо-



рада кўл келмоқда.

Ушбу турнир натижалари ҳам фикримизни яққол тасдиқлади. Ўсмирлар жами ўнча вазн тоифасида беллашган бўлсалар, фақат 35 килограммгача бўлган энг энгил вазндагина омад бухоролик Д.Каримовга кулиб боқди. Қолган барча вазналарда шахримизнинг «Динамо», «ТТЗ», «Ёшлик» клублари тарбияланувчилари М.Алиев, Р.Кориев, К.Йўлдо-

шев, А.Кўлдошев, Э.Тожиев, С.Азимов, Д.Тельманый, С.Кенжав ҳамда Е.Рябининлар турнир ғолиблари бўлишди.

«Қишки таътил» мусобақасининг барча ғолиб ва совриндорлари дипломлар ва қимматбаҳо совғалар билан тақдирланди.

(Ўз мухбиримиз) СУРАТДА: турнир-дан лавҳа.

Алексей Попов олган сурат.

Бағдмнтон

ҲАМЮРТЛАРИМИЗ ХАЛҚАРО ТУРНИР ҒОЛИБИ

Қозоғистоннинг Олмаота шахрида бадминтон бўйича ташкил этилган анъанавий халқаро турнирда ҳамюртларимиз совринли ўринларни эгаллади.

Аёллар ўртасидаги яккалик баҳсларида биринчи ўринни қўлга киритган пойтахтлик Анна Смирнова жуфтлик беллашувларида ҳам Яна Катеринич билан бирга олтин медалга сазовор бўлди.

Микст - аралаш жуфтликлар ўртасида ўтказилган учрашувларда Анна Смирнова тошкентлик Алишер Зоҳидов билан ҳамкорликда жамоамиз ҳисобида учинчи олтин медални келтирди. Эртақлар жуфтлик баҳсларида ҳам пойтахт вакиллари - Рафаэл Зокиров ҳамда Александр Давидов иккинчи ўрин билан чекланди.

Фахрий бадминтончилар беллашувида эса пойтахтлик Владимир Рибкин ва Тошкент вилояти вакили Игорь Дшоҳсупанинг энг юқори поғонасидан жой олди.

Зоҳир ТОШХЎЖАЕВ, ЎЗА мухбири

Йўлим Хувайдо маҳалласига тушиб, 116-автотусга чиқдим. Автотус тўла одам, ҳатто оёқ қўйишга жой тополмайсан. Бирдан... салон ичкарисидан икки аёлнинг бақириб уригани эшитилди, кулоклари динг бўлган йўловчилар ўзаро мижорони тинглашга тушдилар. Таҳминан уч-тўрт бекат шангилашган опахонларнинг жағи араб тинди, чиптачининг сўкинишига қараганда улар йўл ҳақининг ярмини тўлашган.

Чиптачи олдинги ўриндикларда ўтирган ёшлар (ҳойнаҳой, талаба бўлишса керак)га юзланди:

— Ёш бошинг билан уялмайсанларми ўтиришга, олдиларингда кекса одам мункиллаб турибди-я?

— Йўл ҳақини «заранее» тўлаб қўйгандан кейин ўтираманми-да, — тўнгиллади ёшгина қиз. — Гули, сен турма. Биттамининг турганимиз етар.

Кекса ёшдаги йўловчи хижолат чекиб бош сиклиди: — Узр, қизларим, безовта қилдим.

Қизлардан садо чиқмади, афтларини буриштириб тескари қарашди. Ичимда чиптачида миннатдор бўлиб тургандим, кутилмаганда унинг «Бир оёғи гўрдаю, кўчада изгишгани-изгишган шу қариялар»нинг деган гапини эшитиб гаранг бўлиб қолдим. Ялт этиб бояғи қарияга қарадим, хайрият, чиптачининг гапини эшитмади. «Литературний» бекатида автотус анча бўшаб қолди. Келиб отахоннинг ёнига чўқдим.

— Йўл бўлсин, ота?

— Келиним «ота, чарчасиз, йўлга чиқманг» деганига қарамай кетяман, болам. Кичкина неварам жудаям шўх, охтиётсизлик қилиб томдан йиқилиб тушибди. Шунга хавотирим ошиб...

Отанинг тушкун кайфияти сўзидан сезилди. «Яхши бўлиб кетади», юпатган бўлдим уни. Ҳа, ота бежизга кўчага чиқмабди.

Автотус ҳар бекатда оғир силкиниб йўлга тушаркан, кетма-кет йўловчилар ўзгарарди. Чиптачи яна бирдан бақириб қолди:

— Пенсионер бўлсангиз менга нима? Ишласангиз ўзингиз учун ишлагансиз, йўл ҳақини тўлиқ тўлаб қўйинг.

— Болам, автотуслар доим юз сўм олади-ку? Гувоҳнома уйда қолибди чоғи.

— Доимий баҳона, сизларни ўзи Худо уриб қўйган.

— Хай-хай, ундай деманг.

Шу пайт ёнимдаги қария чидаб туролмади:

— Бўлди-да, энди, боядан буён кузатаман, сал ҳовурингиздан тушинг, ўғлим.

Ҳаёт сабоқлари

ҲУРМАТ СОТИБ ОЛИНМАЙДИ

Саҳардан шомгача кўчаларда одамлар оқими тинмайди. Эрта тондан жамоат транспортлари йўловчилар билан гавжум. Аймақ, талабалар ва йилчилар «Мерседес-Бенц» автотусларида чиқашди, чунки уларда ойлик йўл чипталаридан фойдаланиш мумкин.

Олтмиш сўм бермасалар осмон узилиб ерга тушмас. Балки беришга имкони йўқдир.

— Сиз аралашманг, ота.

— Автотусга чиқибманки, кайфиятим ёришмайди. Бошда ҳалиги неварам тенги қизларнинг таънали пичинглари, сизнинг ҳақоратингиз, нима ўзи бу? Бизнинг ёшимизга етишни ҳамд килинг, яхшиси.

Нимага сиз ёшлар дуо олиш ўрнига доим кўнглимизга оғир ботадиған ишларни қиласизлар?

— Сизларга ўхшашмай кўя қолай, куруқ дуоингизни бошимга ураманими, менга режа керак, режа...

— Шайтонга ҳай беринг, йигит, бу кетишда билмадим-ов. Кўзингизни очинг, сиз автотусда «хокон»дирсиз ҳозир, аммо бизлардаям кўнглил борлигини унутманг.

Отaxon автотусдан тушиб кетди. Назаринда, у хали ўзи борадиған манзилга етмаганди. Хувайдога етиб келгунча шунча нохуш манзарани кўриш...

Нимагадир кўнчилик чиптачиларимиз йўловчилар билан муомала қилишни билмайдилар. Кунда турфа хил одамлар билан тўқнашадиған чиптачиларгаям осон

эмас, йўловчиларга-чи? Нимага стюардесалар танлаб олинади-ю, автотусга чиптачилар танлаб олинмайди? Ойлик йўл чипталари бор йўловчиларга энаси қотиб қарайдиған чиптачилар кўп. Ахир, бугун талаба йўл чиптасисиз юриши мумкинми?

— Биринчи босқич талабалари бўлганимиз учун ойлик йўл чипталаримизга маъмурият томонидан муҳр қўйилиб, маълумотнома беришди, чунки гувоҳномамиз хали тайёр эмасди. Жамоат транспортларида юриш биз учун муаммага айланди. Тушунтиришимизга ҳам эътибор бермаган чиптачилар одамлар ичида изза қилишдан чарчашмайди. Гувоҳнома қўлимизга теғди ҳамки, чиптачиларнинг муомаласи совуқлигича қолди. Биз қабилар автотусга ортиқча қўлимиз, гўё, — дея ўз ётирозини билдиради Ўзбекистон Давлат жохон тиллари университети инглиз филологияси факультети талабаси Олдуз Камолитдинова. — Бу ҳам етмагандек, баъзи ҳайдовчилар талабалар ётоқхоналари олдидаги бекатлардан тўхтамай ўтиб кетишади.

Кўпична битта ва маълум томонларга йўналиши бир бўлган автотуслар ҳайдовчилари йўловчиларни назар-писанд қилмай ким ўзарга пойга қиладилар ёки истаганча бекатларда михланиб туришади. Сўзимизнинг исботи тарзида 74, 174-автотусларни мисол қилиб келтиришимиз мумкин. Бундай ҳолатлар йўловчиларга фақат асабига теғеди, балки вақтини ҳам ўғирлайди.

«Тошшаҳарйўловчиптранс» томонидан тарқатиладиган ойлик йўл чипталаридан тушадиған тушум ана шу ҳайдовчи ва чиптачиларнинг ойлик маошларини қопламайдими? Нимага биз бир-биримизга нисбатан серзарда, тўнг муомалали бўлиб кетяпмиз? Арзимаган сабаб билан гавог кўтарамиз, жамоатчилик жойларида ҳам тартиб сақолламаймиз? Айрим чиптачиларимиз ёши улуг йўловчиларни ҳақоратлашдан ҳам тоймайдилар. Мактаб ўқувчилари чиқиб қолишса сийлаб тушириб ҳам юборишади. Автотусга чиққанларнинг ҳулқи ҳам чиптачиларимизнинг ўзларини тутишига монанд бўлади. Шундай экан, улар ўз иззатини сақлашса ёмон бўлмасди...

Ниғора ЖАЛОЛИДИН қизи



Муассис:
Тошкент шаҳар ҳокимлиги

Бош муҳаррир Акмал АКРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:
хатлар — 133-29-70;
эълонлар —
133-28-95, 136-57-65;
факс: (3712) 133-21-56.

Ҳажми — 2 босма таъбик, объект
уеунида бошланди.
2764 нускада босилди. Қўроз бирини А-3

Газета Тошкент шаҳар
Матбуот ва ахборот
бoshқармасида 02-1-рақам
билан рўйхатта олинган.

Душанба, сешанба, чоршанба,
пайшанба ва жума кўнлари чиқади.
Нашр кўрсаткичи — 563

Нашрини етказиб бериш масалалари бўйича гузар жойларга почта бўлимларига ёки «Тошкент почтати»-га — 133-74-05 телефонига мурожаат қилишнинг мумкин.

Газета «Тошкент оқишми»нинг компьютер марказида терилди ва саҳифаланди.

«Шарк» нашриёт-матбаа акциядорлик компанияси босмаохонаси. Корхона манзили: «Буёк Турон» кўчаси, 41-уй.